

欽定剿平三省邪匪方略

欽定剿平三省邪匪方略正編卷一百五十五

庚申年

三月初一日

癸丑

額勒登保那彥成奏言查恒瑞

等帶兵由寧遠前進岱森保等帶兵由禮縣前

進而柳林坡一帶又俱駐有官兵賊匪漸趨向

南不敢窺伺邊境

臣

額勒登保病勢已就痊可

勉力行走當卽會同

臣

那彥成先後移師前逼

以爲策應行至禮縣之石壁地方接恒瑞等來

信有賊一股在嚴家大莊紅巖等處十八日早
間恒瑞慶成等分撥馬步官兵於龍泉溝深都
堡等處追及該匪等竟敢屢撲官兵我軍鎗箭
並發立斃賊匪數十人始行退却我軍乘勝直
前追剿五十餘里約計沿途殺賊三百餘名擒
獲一百二十五名餘匪南嵐將獲賊逐加嚴訊
內有僞元帥楊道一名據供湖北襄陽府人係

張世龍徒弟此股賊匪係張世龍與藍號合夥
賊衆共有二千餘人當將該犯及從賊日久者
悉行正法其餘新擄之附近居民分別酌給口
糧釋放回籍旋又據岱森保綸布春等呈報十
七日在撒子堡偵知大股賊匪在岷州之石刷
里林江舖一帶焚掠臣等一聞信息先後催僭
馳往岱森保與格布舍穆克登布侍衛噶拉協

領五德副將豐仰爲一路由左面之如意山抄
截綸布春桑吉斯塔爾楊遇春同總管林爾都
協領全德副將海常爲一路由右面之二個山
杜家坡直趨林江舖另派副將喜明叅將張鳳
由中路石刷里進發均於三更起行天甫黎明
右路兵到杜家坡見石刷里林江舖到處炊烟
知爲賊匪已聚當卽驅兵繞下林江舖該匪等

一見官兵號召騎馬賊匪及矛手多人排列平川直前抵拒我軍馬步衝入賊夥箭矛並發斃賊數十名騎馬之賊順川奔跑矛手亦卽潰亂奔向毛峪山右路官兵仍卽緊躡追殺適左路馬隊兵勇從毛峪山壓下賊見上下均有官兵捨命狂奔我軍鼓勇追出十餘里詎知賊匪大隊及婦女馬騾駝載等均在川內維時臣等

率領札克塔爾並各路官兵接踵雲集賊匪勢
急丟棄逃竄官兵等奮勇追殺統查前後殺賊
計有七百餘名獲賊男婦三百三十一名詢出
探馬頭梁正剛一名係襄陽人實係張添倫股
中頭目訊得此股係張添倫老營又與高家營
戴家營各股賊匪忽分忽合晝夜之隨處襲脅人
數更衆隨將梁正剛凌遲處死其餘從賊已入

之犯亦卽正法甫經被擄之甘肅民人豐永安
劉岳氏等一百八十四名口當卽概行釋放獲
有賊礮二個騾馬二百餘頭鎗矛旗幟不計其
數惟侍衛吹扎布衝入賊隊被賊矛傷馬該侍
衛腰肋被矛桿打傷是夜四鼓正欲起行猝聞
一股賊匪吶喊前來直撲官兵營盤守備門成
旺帶兵出營追擊賊匪頭顱被賊戳傷把總馬

萬清亦被矛傷頗重兵勇俱有受傷者天色將
明我兵奮刀齊出賊匪不能抵敵翻山四竄分
兵追剿殲賊三百餘名生擒七十二名訊知此
股卽張世龍等賊匪因在龍泉溝等處被恒瑞
等剿潰方來希圖乘夜擊營又稱高馬二姓之
賊在瓦石坪等處埋伏該犯等均係實在賊黨
立卽處死二十日臣等在岷州之宕昌會合查

官兵疊次獲勝雖斬戮甚多而未得著名賊首
尤爲焦憤此時賊匪總在岷階等處臣等一面

飭令岱森保及各將領盡力追剿外仍卽親自
督兵相機截擊合力同心趕緊將甘境現有賊
匪一併掃除再查現在賊匪情形固可無慮其
轉竄東北而西南之階州文縣等處路通龍安
卽險平舊道尤須嚴密防備昨據署文縣知縣

史登雋稟報該令於階文接壤之處業經嚴密
拏卡晝夜守禦賊匪不能竄過文縣卽不能闖
入龍安其龍安之柴門關一帶最爲險要據署
龍安府知府黃爲琳遊擊劉國剛等稟報亦經
設卡嚴堵自可無虞

臣

查刻下賊匪已經官兵

數面兜截惟西北一帶稍覺空虛已札令廣厚
帶兵由鞏昌一帶徑赴岷階自北而南探蹤堵

剿又接據德楞額來信初五日在門家集汪家
川等處督率官兵將楊開甲王廷詔等股賊匪
痛加殲戮共割獻首級二百一十七顆耳記四
百九十五副並獲有偽元帥陳正甲總先鋒王
添元二犯均經訊明正法又訊出臣那彥成在
秀金山剿賊時有受傷落馬跌斃賊首陳光俊
一名此次打仗官兵只有前鋒巴彥泰衝入賊

隊射賊二名右肘受傷骨折所有剿散餘匪已
交吉蘭奉追剿德楞泰卽於十二日由畧陽入
棧趙程赴川提督七十五亦由營山趕往川西
合之與倫共有三路重兵該匪定可不致蔓延
近據吉蘭泰呈報該提督所追賊匪已至嶽縣
兩當境內臣等又嚴飭上緊截剿並恐其兵刃
稍單已將總兵索賈英阿所帶之兵統歸管領

外又飭楊揆將所帶之兵一千餘名卽由秦州
馳赴徽縣一帶如遇吉蘭泰卽將官兵併交管
領至鎮安五郎一帶尙有賊匪未淨恐其闖入
商維必須大員總持軍務前奉

諭旨令台布酌量或卽令國霖前往商維防堵

臣額

勒登保深知國霖於打仗殺賊未能諸練難以

深恃因思恒瑞本係西安將軍

臣

等公同商酌

已囑恒瑞卽帶原領馬步兵勇三千餘名由秦
州一帶趕赴鎮安五郎商雒等處扼賊東竄之
路

額勒登保那彥成又奏言查吉蘭泰帶兵一千
餘名在白水江一帶防堵安肅道瑞亨帶兵一
千二百餘名在虞關駐守虞關係白水江上游
瑞亨所駐之處距吉蘭泰所駐地方三十餘里

上年十二月二十七日高家營戴家營等股賊
匪由虞關搶渡衝破瑞亨營盤闖入徽縣是日
有潰出河州西寧兵丁至吉蘭泰處稟知吉蘭
泰以白水江附近尙有賊匪未經救援二十八
日復有張家營賊匪由虞關搶渡三十日吉蘭
泰始至虞關各路賊匪俱自徽縣分擾秦州成
縣禮縣北窠鞏昌府境內吉蘭泰由徽縣一帶

追剿未能與賊打仗此賊匪搶渡闌入甘境之
實在情形也查吉蘭泰所帶兵力本單賊匪係
在虞關搶渡亦非伊駐守防堵之地但相距僅
止三十里賊至既不能救援賊過又不能追剿
似難辭咎且吉蘭泰前隨德楞額泰來至軍營察
其年力衰邁不能振作非特難勝提督之任卽
總兵亦恐非宜

同日陝西按察使溫承惠奏言臣在平利苦竹

關軍營接據興安府知府周光祿報稱川匪唐

大信龍紹周王金柱等分股竄入安康邊界直

趨張家梁距郡城較近稟請派撥鄉勇等因臣

以川匪分股奔竄漸近郡城該處兵備空虛所

關非細當卽帶領鄉勇趕赴漫坡嶺一帶向西

南逼剿杜其北竄郡城之路一面札會慶溥帶

兵由溢河壩一帶前進護住東竄平利之路並
恐賊匪西竄紫陽札會總兵柯藩趕赴馬鬃嶺

一帶堵截及臣馳抵漫坡嶺賊探已過杜家壩

向郡城大路奔竄一見兵到卽行折回臣督率

鄉勇由柳口迎頭截擊甫抵湘子坪望見賊匪

大隊已到磚坪佔據山梁搖旗吶喊勢甚兇悍

臣催趲鄉勇搶上對面山梁扼住郡城要路派

令義首千總王英把總傅嘉次大章胡貴馬殿
元等帶領鄉勇分路齊進賊匪恃其人衆在山
上放鎗擲石峰擁下壓鄉勇首領劉明周冉貴
卜貴丁朝貴奮勇當先督率鎗手劉國政等施
放鎗礮打撻穿紅馬褂騎馬賊一名賊衆漸形
慌亂王英等率同各首領鄉兵撲上山梁鎗礮
刀矛齊舉殲賊二百餘名賊匪紛紛潰敗向蘭

河口一帶東竄督率鄉勇乘勝追趕適慶溥帶兵趕到方家壩山梁正與賊遇賊匪直撲官兵慶溥派令都司楊雲霄王建謨守備劉允忠把總任宗德等分兵兩路山左右山梁下壓慶溥自帶守備羅玉千總閔克仁等由中路奮勇直進將賊衆分爲兩段殺賊一百七十餘名王英等趕上截殺又殲斃多名賊衆王棄驢馬翻

南面大梁奔逸滾落巖澗死傷者甚多官兵鄉
男生擒余二幅等六十二名救出安康紫陽附
近被裹難民三百七十六名口並搶獲旗幟刀
矛鎗礮騾馬等件訊據余二幅等供稱鎗斃穿
紅褂騎馬之賊卽係賊首王金柱當將屍身找
獲礮割以彰

國憲而快人心余二幅等七名訊係真賊卽行梟

示其汪大谷等五十五名均係被裹同救出難

民男婦發給路票遣回原籍安業旋探聞賊匪

竄至麻柳壩並有分股西竄者臣以賊匪現當

潰敗之時正宜乘勢趕緊追剿不予以暇隨一

面知會柯藩嚴防西竄之賊臣與慶溥分帶兵

勇由滄水河玉子坪兩路抄截適柯藩已抵馬

鬃嶺果有賊匪竄赴該處柯藩帶領弁兵迎剿

殲賊多名餘衆仍向南狂奔在官園地方會合

大隊之賊連夜竄至二郎坪

臣

與慶溥督率兵

勇趕抵繁葉梁卽派千總王英把總傅嘉首領

劉明周冉貴同守備任世達外委楊觀貴抽帶

兵勇分路抄截賊匪正在山梁造飯兵勇奮力

衝撲搶上山梁鎗礮齊發又殲賊二百五十餘

名賊衆捨命奔逃滾巖跌斃者約有一百六七

十人餘衆翻過老林竄入川境之羊耳壩查羊耳壩一帶通陝省路徑甚多恐賊匪乘間仍行折竄未便深入窮追當與慶溥商定將兵勇分紮界嶺協力防範不敢因賊已出境稍存懈怠溫承惠又奏言各股賊匪在陝境內往來滋擾已歷數年臣留心體訪並時遇帶兵大員詳細講求總由官兵力單之故各路軍營原調兵數

本不爲少自奉調到營多者四五年少亦二三年奔走萬山衝冒風雪傷亡病故遣回之兵已屬不少現在疲乏患病者尙多其堪以打仗之兵核之原額不及十分之五往來追剿實屬不敷在賊人本無長技惟恃東奔西竄牽綴官兵兼以山徑紛歧賊匪出沒無常地方官運送糧餉往往因中途梗阻不能趕上大兵愈行愈遠

糧運愈趨愈遲不但弁兵多有枵腹卽帶兵大員亦時在野地拾取包穀充饑因係限於地勢並非地方官怠緩貽悞所致領兵大員口擊心形祇得鼓勵弁兵前進而忍饑數日兵力漸疲不得不暫行紮住等候糧到賊匪又得乘機遠逸官兵隨後追剿更爲費手兵單糧絀剿辦日

難
臣愚昧之見伏懇

皇上天恩酌量添兵以資及時剿捕之用查各路軍營缺額及疲病兵丁應先行按數查明卽在各原營挑派精壯兵丁飭赴軍營補足原額卽可添一倍得力之兵其中有未經疲病而於山內追剿賊匪不能健捷者亦卽撤令歸伍另調長於進山之兵按數補足但其得用與否又在諸兵之得人果能同甘共苦信賞必罰則兵心畏

服自成有用之師應卽詳加甄別如有不能帶
兵破賊並積受勞傷及身體軟弱不耐辛苦者
察其平日管束兵丁是否得力或令回營辦事
或卽予休致分別核辦各營兵丁補足原額之
外有尙須添兵接濟者應請

飭下額勒登保等酌量情形分別兵數添調各省得
力官兵撥給各路幫同剿辦竊計原額既足又

得新添兵力自更易於藏事至川楚陝三省邊境綿長派兵分守各卡防堵亦屬無益卽以陝

省而論

臣

於嘉慶二年經前督撫臣派赴興安

漢中所屬巡查邊卡計自寧羌褒城南鄭西鄉以至紫陽安康平利洵陽白河毗連川楚邊界三千餘里一州縣之中緊要卡隘多者三十餘處少亦不下一二十處此外山僻小徑在在可

通

臣

親自巡歷斷無如許兵勇可以處處設備

嗣後川楚賊匪節次竄入總未堵住實其明証

上年松筠派

臣

帶領鄉勇防堵平利洵陽白河

邊界

臣

查平利東面通楚南面通川洵陽白河

皆界連楚省平利要卡二十七處洵陽要卡十

三處白河要卡十九處山徑叢雜小路尙多

臣

所帶鄉勇四千名若分守防卡僅可派數十名

倘賊匪撲進一卡則我兵均落賊後且以零星
分撥調集需時更恐緩不濟急莫如聚歸一處
扼住適中之地探聽賊竄何路卽取道馳往攔
截會稟明松筠並會商總兵慶溥分駐要地互
相策應自上年夏秋以後賊匪連次撥及邊境
經臣與慶溥分督兵勇隨地截剿雖未能剿淨
一股而未深入陝境較之分守邊卡頗爲得力

川楚邊界情形約畧相同合無仰懇

聖慈飭下額勒登保等酌量川楚陝三省邊境緩急
情形添調得力官兵分紮要地探聽賊匪竄近
邊界卽馳往要路等候迎剿若賊竄赴隣近邊
界又有派往彼處官兵攔截如此以逸待勞聲
勢連絡賊匪旣不能深入自可痛加剿除其領
兵大臣額勒登保等並請

飭令自行酌量各分省分帶兵督剿以專責成此後
各要路均有重兵隨來隨剿不致再爲賊所牽
綴卽所需軍火糧餉道途旣無阻滯地方官亦
可源源運供無虞遲悞至索倫吉林兵弓馬嫺
熟賊所畏懼追剿最爲得力但勁兵必資健馬
數年來進山剿賊馬力多有疲乏短缺陝省購
辦馬匹亦屬不少應懇

聖恩飭下隣近省分協撥健馬解赴陝省興安漢中
商州及湖北四川邊境分地喂養預備官兵更
替乘騎惟添兵必須添餉

國家經費有常就現在征防之兵供億已屬浩繁
添兵則供支愈多但用費多而藏事速較勝於
用費少而藏事遲是否有當伏候

皇上訓示施行均奏入

上命軍機大臣傳諭額勒登保那彥成曰此次額勒
登保那彥成督率官兵分路截擊多有斬獲賊勢
已形窮蹙所辦固好然以數萬官兵殲賊一千餘
名尙屬意中之事不可謂之大勝朕所嘉慰慶幸
者在伊等令恒瑞帶兵回陝及合力剿賊二端昨
據劉之仁奏多爾濟扎普在三岔河地方被賊繞
出後路力戰陣亡卽降旨諭令額勒登保速令恒

瑞帶兵回陝軍機大臣皆以爲是今額勒登保那
彥成在數千里外與朕前旨不謀而合內外一心
大功指日必定告成伊二人和衷共濟實堪嘉獎
額勒登保著賞給大小荷包白玉扳指白玉鼻烟
壺鑲嵌玉火鐮包等件那彥成著賞給大小荷包
瑪瑙鼻烟壺鑲嵌玉帶頭等件用示獎勵至節次
降旨通諭各軍營總以剴清一股勿留餘孽不得

僅注意首逆任聽餘匪他竄若將賊匪夥黨漸次
剿盡則首逆勢孤亦斷難漏網額勒登保那彥成
此次何必以未擒首惡心懷焦急此時惟當趁賊
勢就衰之際併力截剿總須在甘境將各股賊匪
悉數殲除方爲妥善若甘省賊匪殲盡無遺額勒
登保那彥成均當帶領各路勝兵徑赴川省與德
楞泰魁倫勒保會同剿辦倘有一二餘匪未盡或

陝省鎮安等處之賊尙在奔竄額勒登保自應赴川那彥成當留於陝省督辦以專責成又本日據溫承惠奏現有剿敗餘匪竄入川境羊耳壩一帶魁倫等俱往川西剿賊川北地面空虛本有餘匪在彼今添此股賊匪竄往雖爲數無多而一經勾合裹脅恐賊數漸增不可不急爲剿盡慶成久歷戎行且前在川省帶兵於該處道路較爲熟悉著

額勒登保等酌派兵丁卽令慶成迅速帶往川北
上緊剿辦又溫承惠條奏軍營情形著額勒登保
那彥成通盤籌畫如察看賊匪一兩月內卽可竣
事自不必復於他處挑兵遠來更換倘現兵疲乏
者多或歲事之期尙難預必酌添精銳之兵易換
亦屬可行總在相機辦理至所請添調得力官兵
分紮要地以逸待勞及於隣近省分協撥健馬等

事亦不爲無見著將原摺抄寄一併籌酌具奏至
額勒登保病勢漸已就痊可以勉力行走閱之甚
爲欣慰額勒登保身體素弱今病雖痊愈仍著御
醫田廣福留彼以資調護且軍營有一醫家亦不
爲無益至侍衛福忠阿亦不必回京著留於軍營
帶兵可也

上又命軍機大臣傳諭溫承惠曰賊首王金柱就擒

已據台布奏過至賊匪竄至二郎坪地方溫承惠
與慶溥督率兵勇趕抵簕葉梁奮力衝撲搶上山
梁殲賊數百名所辦尙好惟賊衆翻過老林竄入
川境之羊耳壩一帶是川北地方又添一股賊匪
前曾降旨飭諭領兵大員及各督撫等凡任剿賊
之責者總須在本境將賊匪殲淨不得縱賊他竄
任堵禦之責者亦須在本境嚴密防守不得任賊

闌入此次慶溥溫承惠自尙未接奉領兵大員等
傳知此旨是以不治伊等以疎縱之罪但羊耳壩
與陝境毗連殘敗匪徒亦屬無幾慶溥等自應緊
躡賊蹤卽出境百有餘里亦可直前追剿乘機殲
滅何以不將此股辦竣仍令竄至川北此時賊匪
旣經遠颺該鎮等亦不及再行前往剿辦嗣後慶
溥溫承惠務須率領將弁嚴密防堵無使賊匪一

名關入若遇賊匪竄至境內卽當於本境辦竣不
得以驅逐他竄卽爲了事儻於各卡隘旣不能實
力防範及賊匪竄入又不能悉心殲除則伊等實
難辭咎矣

同日

上諭內閣曰吉蘭泰帶兵在白水江上游一帶防堵
賊匪由虞關搶渡相距僅止三十里不往救援直

至賊匪搶渡三日始至虞關以致甘境又滋紛擾
吉蘭泰實難辭咎著革去提督加恩賞給遊擊職
銜在軍營効力所有甘肅提督員缺著楊遇春補
授

初三日 乙卯 廣厚奏言 臣 連日督催官兵行抵石

關接據岷州稟報賊匪大股屯聚閭井其探馬
已至茶埠峪有奔趨酒店驛之勢查酒店驛北

達鞏昌西接渭源狄道均係完善之區若使賊
匪擾及不但居民遭其蹂躪且各路大兵轉落
其後追捕緊急必致深入甚有關係

臣

隨帶兵

向前迎截賊匪探知有兵當卽折回由窩溝紅
崖子等處竄赴中都正遇恒瑞慶成帶兵趕到
乘勢剿殺殲擒多名賊匪遂向荔川宕昌一帶
奔逸恒瑞慶成躡蹤追剿

臣

現由大寨子一路

前進相機剿辦倘賊匪復行竄回卽迎頭截擊
仍可保護西北完善地方奏入

上命軍機大臣傳諭廣厚曰賊匪竄赴中都正遇恒
瑞慶成起到殲擒多名大獲勝仗昨已據額勒登
保等奏過伊等摺內並稱賊匪已經官兵四面兜
截惟西北一帶稍覺空虛札令廣厚自北而南探
蹤堵剿茲廣厚已從大寨子一路相機迎擊務須

從西北向東南漸逼漸緊與額勒登保等會合夾
擊將竄匪卽在甘境悉數殲除不可再令他竄若
甘境竄匪業經剿盡經畧叅贊等俱應酌量分赴
川陝督剿所有甘省前調之兵俱應量爲裁撤酌
留兵力於沿邊一帶分撥防堵廣厚係甘肅守土
之官總須在甘境認真堵禦以專責成

初四日丙辰魁倫奏言臣自蓬溪移營赴太和鎮

以來沿河行走因卽募集鄉團以便撤回防河
官兵緣居民紛紛搬移避賊不肯應募

臣隨處

再四曉諭撫綏並加給鹽糧添募鄉勇人心始
定隨將自太和鎮至綿州金山驛上下三百餘
里內淺灘處所八十餘處設卡分撥團勇鄉勇
防守其前派防河之官兵乃得陸續撤回
現在委令道員劉清在潼川督同該府縣等於設

卡處梭織巡查並留兵勇六百餘名交該道帶
領上下策應賊匪不敢偷渡惟在鹽亭南部一
帶境內游奕其鹽亭縣城經臣派兵防守後賊
卽退去現據探報賊匪在南部梓潼連界之元
山場及南部鹽亭連界之呂風觀等處屯聚查
金山驛魏城驛梓潼縣及劍州之武連驛等處
不惟爲自京赴成都人道一切軍餉文報均關

緊要且路徑紛歧處處皆可通龍安府及彰明
江油等縣若北趨龍安卽可竄入甘省文縣階
州西折彰明江油卽路通成都一帶俱係平原
無險可守金山驛係潼河上游先經

臣

派撥官

兵五百餘員名令副將託雲泰帶往駐守旋聞

賊近梓潼

臣

卽飛札令託雲泰領所帶之兵先

赴梓潼堵截復派兵勇一千四百餘員名令副

將唐朝臣帶領與託雲泰會合防堵

臣

於十七

日至金山驛十八日又派馬隊及滿漢屯土官

兵一千三百餘員各令阿哈保統領前往策應

又派撥兵勇七百餘名令遊擊張超帶領前赴

彰明江油適中之地駐守遏其西北竄入之路

臣於拜摺後亦卽拔營前進至魏城驛梓潼一

帶相機調度查賊匪自蓬溪接仗後在西充南

部鹽亭三縣地方分路竄擾爲牽綴官兵之計
意在窺伺渡河而我兵亦於各路分應是以賊
匪只在南部等縣之邊界出沒倘大兵全力追
剿自太和鎮以上至金山驛處處皆有淺灘難
保其不乘間搶渡而兵力分用見單祇堪迎擊
難以追剿十七日接據梓潼縣張金銘稟報十
五日有賊匪百餘人擾至近縣之東壩地方經

該縣同汛官率領兵勇前往迎擊當斃賊匪數人賊卽遁去又接據託雲稟報十六日在梓潼之東三十里大毛山地方有賊匪數百人與我兵接仗當被鎗矛傷斃賊匪十餘名賊匪被我兵壓下山梁奔回元山塲舊路該副將以時值昏暮撤回未及追趕各等語查賊匪詭詐多端每以大夥在後先用數百人誘我官兵若非

有大隊兵力乘勝前追恐卽墮其奸計是以臣

現在祇可盡力堵截賊匪竄省之路以候各處

兵到併力剿擊

臣

昨接總兵李紹祖稟稱所統

七十五一路之兵已於十五日至南充縣地方

臣

當卽飛札令其由鹽亭南部一帶進剿十八

日接到德楞泰札已於十三日行抵畧陽計日

內當入川境由廣元昭化一路而來大約二十

三四日可到適又接據梓潼縣稟報該縣遞送公文之馬夫報稱武連驛有賊匪滋擾當經

臣

前派梓潼防守之託雲泰帶兵前往剿捕該匪等卽聞風他竄然該處民人紛紛逃避十九二十日探報賊匪總在梓潼縣之南北左近地方游奕有窺伺大道搶赴龍安彰明之勢官兵出捕卽行逃竄本日接據派防魏城驛之都司蕭

太和稟稱二十日有賊匪四五百人在宣化鋪
雙柏樹一帶滋擾難民千餘奔赴魏城賊匪追
逼前來該都司率領兵勇奮擊斃賊二名奪獲
賊馬三匹該匪等仍由大路退回等語查魏城
武連各驛均係往來大道日來文報不通臣現
發之摺卽專差改由龍安一帶送至廣元馳遞
其自魏城驛以北各處驛站雖經分撥官兵各

數百名然兵力單薄止可防守不能剿擊臣若

帶兵前進復恐抄至後路不但逼近省城且糧

米軍火運道或稍不通所關更重刻下惟盼望

德榜奉大兵自北早來先爲疏通道路俾文報

糧運均可通達臣與總兵李紹祖之兵分道前

進與之會合夾擊再賊匪搶渡嘉陵江係在定

遠縣地方該縣知縣孫熙及汛弁防守不力均

應查明叅辦臣先已一面將該縣孫熙撤回飭

藩司另委妥員前往署理一面札令重慶府知

府石韞玉將當時賊匪搶渡實在情形查明詳

揭俟查報到日卽行嚴叅治罪至臣前咨調黔

省官兵三千名接在常明咨覆業經如數派發

就近省標之兵已於本月初四日起程約計三

月初旬卽可全數到齊其前奏所調松崗等處

土兵現在尚未接據差員及土司等稟報起程
日期奏入

上命軍機大臣傳諭魁倫曰本日午刻有魁倫六百
里加緊報至朕以爲必係將奔竄川西賊匪痛加
殲戮及披閱所奏情形仍屬派撥兵勇分守沿河
一帶與半月前所奏無異昨那彥成在秦岷等處
殲賊三千餘名不過用六百里馳遞魁倫與那彥

成皆係上年秋間出京辦理軍務而魁倫又曾任
將軍總督經歷比那彥成較久豈於此等發報緩
急尙未知之耶伊前此具奏防堵竄匪情形擅用
六百里加緊馳遞經朕降旨嚴飭若非擒獲首逆
及大得勝仗豈得仍發六百里加緊之報駭人聽
聞徒勞驛站何不曉事一至於此至該處鄉勇業
經劉清募足分投防守其前派防河官兵俱已撤

回魁倫自當親率官兵上緊剿辦仍僅派令阿哈保張超等帶兵前赴彰明江油適中之地駐守魁倫於拜摺後始行拔營前進欲在魏城梓潼地方駐紮相機調度豈竟任賊屯聚待其自斃乎畏憚情形實如繪出至摺內旣稱德楞泰由廣元昭化一路而來何以魁倫並不催令速至川西卽勒保此時諒早入川亦未見魁倫咨催趙程行走且黔

兵三千據奏約三月初旬即可全數到齊所調松
崗等處土兵尙未據稟報起程日期魁倫與其用
六百里加緊奏此無關緊要之措何不用以飛催
德楞泰勒保及黔土各兵乎伊向來自稱勇往乃
竟延玩怯懦至此實屬大負委任魁倫著傳旨嚴
行申飭伊前此縱賊搶渡嘉陵江旣已身蹈重愆
今又遷延遲緩罪狀更增此時魁倫惟有倍加愧

奮速將川西賊匪上緊殲除尙可希冀加恩倘再
事因循或防堵不嚴復令賊匪搶渡潼河擾及重
慶成都伊自思當得何罪况川省現在添調多兵
團集鄉勇又不知需費若干帑銀若惟在彼駐守
並不殺賊豈非徒糜帑項魁倫不可不急思進剿
以期及早戡事也

同日台布奏言查漢江南岸溫承惠慶溥所追

唐大信龍紹周等逆竄至馬鬃嶺適遇總兵柯
藩帶兵到彼截剿殲賊多名餘衆折竄至二郎
坪又適遇溫承惠慶溥迎剿當飭都司楊雲雷
千總王英等督率兵勇分作兩翼橫衝賊隊殲
戮二百五十餘名生擒王曰富楊宗周張勝文
張相宗等三十四名救出難民男婦一百八十
九名口餘匪連夜竄回川境各處難民均經訊

明給資回籍其北岸留壩鳳縣潛竄各匪經署
同知汪銓試用從九品雒昂督領鄉勇亦於十
五十六十七等日先後接仗均有斬獲惟二十
一日探知該匪等復在火神廟九臺子等處屯
聚汪銓雒昂密帶健勇於是夜三更賊衆熟睡
之時出其不意開放鎗礮拋擲火彈燒斃賊匪
一百餘名生擒十四名餘匪由高坪場奔逃

臣

查高坪場距褒城七十餘里沔縣六十餘里提督王文雄正在沔寧一帶接護川餉吉蘭泰亦已繞至棧道隨即飛咨就近相機攔截勿令竄往東北而褒城之宗家營路漸平行更應嚴防此時無兵可撥卽將

臣

原帶之鄉勇獵戶交與

協領富盛阿帶赴宗家營駐紮撥演遙壯聲勢

以杜竄出平原此一股在漢江北岸現經

臣

於

各隘佈置嚴堵可不至有蔓延至南山內過江
五家營川匪分遣小股於十七口竄至柳林子
距興安府城一十五里沿途焚掠該府周光裕
會同副將劉成基遊擊馬宗德帶領弁兵二百
名壯勇一千名星馳迎擊該匪等奔突而來干
總方觀德放礮轟斃前隊賊匪十餘人賊衆分
股抗拒官兵亦卽分隊衝殺斃賊三十餘名外

委李清手又執旗賊目一名救出難民男婦大小五十餘名口賊衆抵敵不住仍回柳林子逃逸奔向琉璃溝店子溝與大股會合

臣

以該二

處均可通往楚豫札飭總兵劉之仁等務須設

法截回連日接據探勇稟報該匪等已折回洵

陽之三岔河蘭草坪計與劉之仁等進兵道路

相距不遠剿辦自可得手再前奉

諭旨以

臣

處兵力稍單令伯麟於晉省各營抽調精

兵數千駐紮蒲州聽候調派查山西兵最爲庸弱

臣

營本有數百名因挑選奮勇親自擦練究難

望其振作本擬盡數撤回而五郎爲南山適中

要地又係糧務總臺守禦空虛不得已仍將山

西兵三百名留交富成帶領駐守虛張聲勢此

次伯麟調更係新近招募其技藝必更在三

百名之下况現又蒙

恩令岱森保酌帶官兵來陝協剿聲威愈壯此項晉
兵更可無庸調撥

台布又奏言臣於二十六日接辦漢中軍需查

點存銀不滿千兩各路兵餉俱放至正月底止
本月全未關支督臣長麟奏明撥解漢中之二
十萬兩除補放二月分鹽菜各項外所餘無幾

現亦尙未解到臣思帑項支絀之時尤應事事

覈實糧餉同關緊要而糧食更難猝辦一面札

令漢中府知府趙洵嚴飭各屬多爲採買萬一

餉銀不能接濟米麵充裕亦足飽騰一面通行

各路務將實在兵勇數目切實造報以憑覈算

臣

前接經畧移知新定條款最爲得中南山內

總兵劉之仁等一路官兵請以三月初一日爲

始概按新例支放所有王文雄等各路自應一體照辦統俟各路兵勇查有確數遵照新例覈計需銀若干再行懇求

天恩或於部庫酌撥或於隣省協濟奏入

上命軍機大臣傳諭台布曰留壩鳳縣潛竄之賊及柳林子各股竄匪經周光祿汪銓等分投剿捕斬獲甚多所辦尙好惟摺內稱剿敗餘匪連夜竄回

川境之語殊屬非是前經降旨諭令各路領兵大員及各省督撫凡任剿捕之責者必須將賊匪在本境剿盡不得任其他竄任堵禦之責者亦須在本境嚴密防守不可任賊闖入台布自當一體凜遵不得以驅逼出境遂爲了事至台布因五郎守禦空虛望岱森保帶兵赴陝昨據額勒登保那彥成奏岱森保在甘剿賊已派恒瑞帶兵二千名馳

赴該省協剿恒瑞台布係本省將軍巡撫此時陝
境之賊責成恒瑞台布辦理務當併力一心上緊
剿盡至所稱山西兵丁疲懦不堪難望振作此次
伯麟招募新兵可以無庸調撥現在台布團練鄉
勇省費旣多打仗更爲得力自以添募鄉勇停調
晉省兵丁爲是又據奏漢中軍需存銀無幾候詳
查兵勇確數再懇請撥餉協濟等語朕因川陝軍

務未竣於台布未經奏到之先早撥部庫銀一百萬兩解交伯麟存貯山西藩庫聽候咨撥茲已降旨令伯麟分撥五十萬兩解川以五十萬兩解赴陝省交台布應用該撫務須加意撙節以期實用實銷不可稍有冒濫

上又命軍機大臣傳諭伯麟曰現在四川陝西剿辦賊匪正當喫緊之時一切糧餉供支應須寬爲儲

備著伯麟卽於前發給部庫銀一百萬兩內撥五十萬兩解往四川交托津收貯撥五十萬兩解往陝西交台布收貯該撫迅速派委委員沿途小心管解並飛咨四川陝西經過地方官多派弁兵護送勿致遲悞

同日廣興奏言

臣奉

命經理軍需惟有事事覈實斷不收任聽濫冒且疊

次蒙

恩垂念軍需緊要預發餉銀接濟先後至五百萬之多若全數來川儘可用至秋間尙屬有盈無絀無如疊經陝甘總督節次截留共一百五十五萬兩撥歸川省藩庫雜用八十一萬兩兩淮不敷撥解銀七萬七千餘兩三項共開除二百四十五萬餘兩已將及半兼值賊匪竄渡嘉陵江

西不但被賊滋擾之區在在需銀接濟卽附近
賊氛處所亦需厚集鄉勇官兵預爲防堵而川
東川北舊日各州縣駐紮防兵鄉勇鹽菜工價
需費仍屬照常卽省局製辦軍裝軍火運送糧
石等項用度亦均增倍不能稍爲節省現在成
都保寧達州三局存銀不及三十萬兩卽京浙
兩項餉銀全數來川亦不敷三月之用京師距

川遙遠向來餉銀行走卽棧道並無阻隔亦必
須三月之久始得解到必當亟行籌備惟有仰
懇

皇上天恩酌撥京餉來川應用實爲有裨奏入

上命軍機大臣傳諭托津曰前於廣興未經奏請之
先已發部庫銀一百萬兩存貯山西藩庫備撥現
已諭令伯麟將部庫銀兩內分撥五十萬兩委員

迅速解赴達州軍需局交托津照數收存以備支
用托津惟當飭令糧站各員實用實銷無任虛糜
帑項至廣興現又加恩用爲通政使司副使並著
托津傳知廣興倍加感激幫同認真辦理軍需事
務以副格外施恩之意

同日松筠奏

臣

接據湖北候補道鄖陽府知

府王正常稟稱

明竄均州賊匪經弁清元抄出

穀城攔剿賊仍折回房縣遂竄至保康之梅子
園地方後股賊匪亦由房縣竄往保康之歇馬
河兩股會合孫清元由蔣口同副將樊雄楚追
剿倭什布亦由房縣趕赴保康截剿等語臣前
擬抽撥慶溥之兵帶領赴楚前抵興安詢悉逆
匪苟文明鮮大川等經慶溥溫承惠柯藩在安
康磚坪併力截擊亦由竹谿竄入房縣若楚省

堵剿緊急自必仍回川陝此時平利安康俱關
緊要而龍紹周唐大信張子聰等逆現在太平
之羊耳壩已與紫陽逼近處處均宜嚴密堵禦
額勒亨額柯藩之兵本係專守紫陽不能帶赴
安康協剿是慶溥之兵溫承惠之鄉勇旣守平
利兼護安康此時俱難抽帶臣日前行次石泉
適撫臣台布由五郎趕到會晤交代後經台布

撥給遊擊張應魁所帶弁兵二百名都司德克
精額所帶鄉勇三百名隨臣赴楚協剿行走頗

捷現在若由二竹前進督辦轉令後股之賊深

入楚境且道路迂遠長行驟馬易疲臣一面由

興安乘船順流趕赴鄖陽不過數日可到房縣

保康一面札知明亮先帶弘豐所調滿兵五百

名趕赴孫清元軍營迅速進剿仍飛咨倭什布

帶兵夾擊俟於何處而晤再行接印卽傳

旨令其隨營効力贖罪並札知慶溥溫承惠等各於
陝界悉力堵禦以便殲洗奏入

上命軍機大臣傳諭松筠曰松筠抽帶兵丁由興安
水路趕赴鄖陽此時當已到房縣保康一帶倭什
布昨經加恩用爲湖北巡撫令與明亮等協力剿
辦松筠到彼卽會同倭什布明亮相機熟籌務將

賊匪卽在本境併力兜圍悉數撲滅倘有零星竄
匪折入川境明亮自應帶兵前往剿淨松筠惟當
於楚境扼要處所嚴密堵禦毋使賊匪復行闌入
亦不必跟蹤追至川境也